



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2021. GODINU BOSS-BOSANSKE STRANKE-MIRNES AJANOVIĆ

Broj: 03-07-6-333/22
Sarajevo, 27.12.2023. godine

SADRŽAJ

1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5.1 NALAZI.....	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2021. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2021. godinu, utvrđeno je da je BOSS-Bosanska stranka-Mirnes Ajanović prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2021. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2021. godinu, BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	73.317,08	99,86
8.	Prihodi od propagande (3-g)	0,00	0,00
I	Ukupni prihodi (1-8)	73.317,08	99,86
II	Ostali prihodi i drugo	100,00	0,14
	Izvori finansiranja (I+II)	73.417,08	100,00

U godišnjem finansijskom izvještaju za 2021. godinu BOSS-Bosanska stranka-Mirnes Ajanović iskazala je rashode u ukupnom iznosu od 75.198,36 KM.

2. PREDSTAVLJANJE POLITIČKE STRANKE

Naziv političke stranke je BOSS-Bosanska stranka-Mirnes Ajanović. Skraćeni naziv je BOSS.

Politička stranka je registrovana kod Višeg suda u Tuzli, rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla. Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je u Tuzli, Kojšino 7.

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2021. godinu je Nedžad Zonić.

Prema podacima iz godišnjeg finansijskog izvještaja za 2021. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor i
- Regionalni odbor u Sarajevu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS-Bosanske stranke-Mirnes Ajanović za 2021. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja BOSS-Bosanske stranke-Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja BOSS-Bosanske stranke-Mirnes Ajanović u periodu od 2005. do 2020. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2020. godinu, izdat je Izvještaj o pregledu sa mišljenjem revizora, nalazima revizije i preporukama stranci da finansijska sredstva koristi isključivo za ostvarivanje ciljeva utvrđenih svojim programom i statutom, da poslovne knjige vodi u skladu sa računovodstvenim propisima, odnosno da vodi pravilne evidencije o rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da racionalnije troši finansijska sredstva stranke koja obezbjeđuje iz budžeta.

Nerealizovane preporuke:

Na osnovu uočenih nedostataka u godišnjem finansijskom izvještaju za 2021. godinu, utvrđeno je da BOSS-Bosanska stranka-Mirnes Ajanović nije ispoštovala sve preporuke.

5. NALAZI I PREPORUKE

5.1 NALAZI

a) BOSS-Bosanska stranka-Mirnes Ajanović nije postupila u skladu sa odredbama člana 4. stav (1) Zakona o finansiranju političkih stranaka¹.

(1) U godišnjem finansijskom izvještaju za 2021. godinu BOSS-Bosanska stranka-Mirnes Ajanović iskazala je ukupne rashode u iznosu od 75.198,36 KM.

Uvidom u Program utroška sredstava za 2021. godinu, utvrđeno je da je stranka planirala ukupne rashode u iznosu od 91.950,00 KM i sredstva za nabavku osnovnih sredstava u iznosu od 2.000,00 KM, odnosno ukupno 93.950,00 KM.

S obzirom da je stranka, dana 26.01.2022. godine, tj. nakon završetka kalendarske godine Centralnoj izbornoj komisiji Bosne i Hercegovine dostavila Rebalans programa utroška sredstava za 2021. godine, isti nije uzet u razmatranje.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

Pregledom finansijskog izvještaja i finansijske dokumentacije, utvrđeno je da je politička stranka finansijska sredstva utrošila mimo svog Programa utroška sredstava za 2021. godinu, kako slijedi:

-stranka nije planirala troškove takse i novčanih kazni i troškove sitnog inventara. Uvidom u godišnji finansijski izvještaj utvrđeno je da je stranka troškove takse i novčanih kazni ostvarila u iznosu od 1.473,21 KM, a troškove sitnog inventara i auto guma u iznosu od 199,00 KM.; i

-stranka je planirane troškove zakupnine vozila prekoračila za 600,00 KM, dok je planirane troškove platnog prometa prekoračila za 121,60 KM.

S obzirom da je politička stranka finansijska sredstva utrošila mimo Programa utroška sredstava za 2021. godinu prekršila je odredbe člana 4. stav (1) Zakona o finansiranju političkih stranaka.

(2) Uvidom u račune dobavljača „BH Telecom“ za telefonske usluge i drugu dokumentaciju koju je dostavila stranka, utvrđeno je da je stranka plaćala račune za predsjednika političke stranke Mirnesa Ajanovića, te da je Glavni odbor dana 07.01.2021. godine donio Odluku o plaćanju troškova za mobilni telefon predsjednika stranke.

Međutim, uvidom u pojedinačne račune, utvrđeno je da je politička stranka osim troškova mobilnog telefona plaćala u uslugu Moja tv, dodatni priključak, dodatne tv kanale i sl. Takođe, utvrđeno je da je dio troškova evidentiran samo na osnovu naloga uplatnice za plaćanje, a bez računa.

Imajući u vidu da je u toku 2021. godine po osnovu korištenja mobilnog telefona predsjednika stranka plaćeno ukupno 1.670,90 KM, a da su pored telefonskih usluga plaćani i priključak za Moja tv paket, dodatni paket tv kanala i sl, nije moguće utvrditi da li su finansijska sredstva političke stranke i u kojem iznosu utrošena u cilju obavljanja djelatnosti političke stranke, tj. da li su finansijska sredstva stranke korištena i u privatne svrhe.

b) BOSS-Bosanska stranka-Mirnes Ajanović prekršila je odredbe člana 5. stav (4) i člana 8. stav (1) Zakona o finansiranju političkih stranaka.

BOSS-Bosanska stranka-Mirnes Ajanović je u toku 2021. godine koristila prostorije u vlasništvu Grada Tuzla. Za korištenje prostorija Grad Tuzla je stranci fakturisao zakupninu za šest mjeseci, dok je u periodu od 01.05.2021. do 30.10.2021. godine stranka, kao i svi zakupci poslovnih prostora koje izdaje Grad Tuzla, a u cilju ublažavanja ekonomskih posljedica izazvanih pandemijom virusa COVID-19, u potpunosti bila oslobođena plaćanja zakupnine.

Uvidom u podatke i dokumentaciju koju je dostavio Grad Tuzla utvrđeno je da je Grad Tuzla, putem Gradskog pravobranilaštva, dana 10.03.2021. godine, podnio tužbu protiv političke stranke iz razloga što je u skladu sa odredbom člana 7. Ugovora o zakupu broj: 17-23-10.622 od 27.11.2006. godine, kojom je propisano da se ugovor zaključuje na period dok zakupac participira u radu Općinskog vijeća Tuzla, ugovor istekao i da stranka nije predala prostor Gradu Tuzla.

Uvidom u Odluku Gradskog vijeća Grada Tuzla o davanju u zakup poslovnih zgrada, poslovnih prostorija i garaža, utvrđeno je da je polazna cijena po m² u trećoj zoni za poslovne prostorije na spratu 3,00 KM, a u potkrovlju 2,00 KM.

Prema odredbama Ugovora o zakupu broj: 17-23-10.622 od 27.11.2006. godine BOSS-Bosanska stranka-Mirnes Ajanović je koristila prostorije površine 98,76 m² po cijeni od 1,00 KM/m², te tavanačke prostorije površine 97,96 m² po cijeni od 0,50 KM/m², tj. po cijenama koje su utvrđene za političke stranke koje participiraju u radu Općinskog vijeća Tuzla. Ukupan iznos pojedinačnih računa iznosio je 147,74 KM bez PDV-a, odnosno 172,86 KM sa PDV-om.

Imajući u vidu navedeno, mišljenja smo da je korištenjem poslovnih prostorija po povoljnijim uslovima, odnosno po cijenama koje su utvrđene za političke stranke koje participiraju u radu Općinskog vijeća Tuzla, a da stranka nakon Lokalnih izbora 2020. godine ne participira u radu Općinskog vijeća Tuzla, BOSS-Bosanska stranka-Mirnes Ajanović ostvarila nenovčanu donaciju

Grada Tuzla u iznosu od 2.066,64 KM², koja joj je odredbama člana 8. stav (1) tačka a)³ Zakona o finansiranju političkih stranaka zabranjena.

BOSS-Bosanska stranka-Mirnes Ajanović prekršila je i odredbu člana 5. stav (4) Zakona o finansiranju političkih stranaka jer u finansijskom izvještaju nije prijavila nenovčanu donaciju Grada Tuzla.

c) BOSS-Bosanska stranka-Mirnes Ajanović prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja za 2021. godinu, utvrđeno je da BOSS-Bosanska stranka-Mirnes Ajanović nije vodila pravilne i pravovremene evidencije o prihodima, rashodima i obavezama, niti je godišnji finansijski izvještaj podnijela na način i u formi koju je Centralna izborna komisija BiH propisala Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) BOSS-Bosanska stranka-Mirnes Ajanović nije podnijela godišnji finansijski izvještaj za 2021. godinu u skladu sa članom 3. stav (1) Pravilnika.

Uvidom u službene evidencije utvrđeno je da je BOSS-Bosanska stranka-Mirnes Ajanović godišnji finansijski izvještaj za 2021. godinu podnijela u elektronskoj formi putem aplikacije FI CIK BiH dana 23.03.2022. godine, dok je odštampane obrasce godišnjeg finansijskog izvještaja za 2021. godinu u čvrstoj kopiji dostavila dana 21.10.2022. godine.

Pored navedenog, a uvidom u dostavljene obrasce godišnjeg finansijskog izvještaja, utvrđeno je da politička stranka nije dostavila obrazac 1 (opšti podaci o političkoj stranci) ovjeren potpisom ovlaštenog lica i pečatom političke stranke u čvrstoj kopiji, a što je bila obavezna.

- (2) BOSS-Bosanska stranka-Mirnes Ajanović nije u poslovnim knjigama i godišnjem finansijskom izvještaju iskazala nenovčanu donaciju Grada Tuzla, te je troškove zakupnine iskazala u manjem iznosu u odnosu na stvarnu cijenu zakupa, čime je prekršila odredbe člana 13, 18, 21. i 22. Pravilnika.

- (3) Politička stranka nije u obrascu 4.1 (režijsko-administrativni i ostali troškovi) godišnjeg finansijskog izvještaja pravilno iskazala rashode, čime je prekršila odredbe člana 22. Pravilnika.

Takođe, u postupku pregleda finansijskog izvještaja utvrđeno je da stranka nije uspostavila evidencije o rashodima u skladu računovodstvenim propisima i kontnim planom, te da sve rashode nije evidentirala pravovremeno.

-Uvidom u poslovne knjige i godišnji finansijski izvještaj utvrđeno je da je stranka troškove po osnovu doprinosa i vodne naknade u iznosu od 834,59 KM umjesto kao poreze i doprinose iskazala kao ostale rashode.

-Kontrolom iskazanih troškova vode i uvidom u dostavljene račune, utvrđeno je da stranka u poslovnim knjigama i godišnjem finansijskom izvještaju nije evidentirala troškove vode za decembar 2021. godine, dok je račun za utrošenu vodu u periodu 17.06.-17.07.2020. godine u iznosu od 4,10 KM evidentirala kao troškove 2021. godine.

² Vrijednost zakupnine poslovnih prostora u III zoni, bez PDV-a, umanjena za iznos plaćene zakupnine bez PDV-a.

³ Članom 8. stav (1) tačka a) Zakona o finansiranju političkih stranaka utvrđeno je da se finansiranje političkih stranaka zabranjuje organima uprave države BiH, entiteta, kantona, Brčko Distrikta BiH, te gradskim i općinskim organima. Stavom (2) istog člana propisano je da se zabrana iz stava (1) tačke a) ovog člana ne odnosi se na korištenje poslovnih prostorija, koje političke stranke koriste na osnovu odluke nadležnog organa.

-Politička stranka nije u svojim poslovnim knjigama evidentirala račun za obezbjeđenje za decembar 2021. godine, čime je i ukupne rashode iskazala u manjem iznosu u odnosu na ostvarene.

-Uvidom u analitičku karticu konta 40110-*troškovi zakupnine poslovnih prostora* utvrđeno je da je politička stranka u svojim poslovnim knjigama račun za zakup poslovnih prostorija za novembar 2021. godine u iznosu od 172,86 KM evidentirala dva puta.

- Stranka je u poslovnim knjigama troškove ugovora o djelu u ukupnom iznosu od 17.055,73 KM iskazala na kontu 401300-*troškovi vođenja administrativno-tehničkih poslova*.

Iako je zaključila Ugovor o djelu sa fizičkim licem za obavljanje administrativno-tehničkih poslova i rad na terenu sa članovima stranke opštinskih odbora BOSS Novi grad Sarajevo, Centar Sarajevo, Vogošća i Ilijaš, te Ugovor o obavljanju poslova po ugovoru o djelu sa fizičkim licem za obavljanje administrativno-tehničkih poslova i rad na terenu sa članovima stranke u Tuzli, stranka je troškove ugovora o djelu evidentirala na analitičkoj kartici konta 401300-*troškovi vođenja administrativno-tehničkih poslova*, te je iste iskazala u obrascima 4.1 Glavnog odbora i Regionalnog odbora u Sarajevu.

Stranka je u poslovnim knjigama troškove ugovora o djelu trebala evidentirati u skladu sa kontnim planom⁴.

Činjenica da je stranka zaključila ugovor o djelu sa fizičkim licem za obavljanje administrativno-tehničkih poslova i rad na terenu sa članovima stranke OO BOSS-a Novi Grad Sarajevo, Centar Sarajevo, Vogošća i Ilijaš, te da se finansira iz budžeta Općine Novi Grad Sarajevo i Grada Sarajevo, ukazuje da stranka ima organizacione dijelove koje nije prijavila u godišnjem finansijskom izvještaju za 2021. godinu, čime je prekršila odredbe člana 10. Pravilnika.

Ističemo da je stranka u obrascu 1-1 (teritorijalna organizacija političke stranke) godišnjeg finansijskog izvještaja iskazala dva organizaciona odbora: Glavni odbor i Regionalni odbor u Sarajevu, te da je sve troškove iskazala kao troškove ovih organizacionih odbora.

- (4) BOSS-Bosanska stranka-Mirnes Ajanović nije u obrascu 5 (obaveze političke stranke) godišnjeg finansijskog izvještaja iskazala sve obaveze na dan 31.12.2021. godine, čime je prekršila odredbe člana 24. Pravilnika.

-Uvidom u analitičke kartice potraživanja Grada Tuzla od BOSS-Bosanske stranke-Mirnes Ajanović za 2021. godinu: konto 131111 (za isporučene usluge i robe), konto 131351 (sumnjiva i sporna potraživanja) i konto 131391 (ostala potraživanja), utvrđeno je da ukupna potraživanja Grada Tuzla od političke stranke iznose 1.057,50 KM. Takođe, utvrđeno je da potraživanja za isporučene usluge i robe iznose 197,57 KM, sumnjiva i sporna potraživanja 853,13 KM i ostala potraživanja 6,80 KM.

BOSS-Bosanska stranka-Mirnes Ajanović u svojim poslovnim knjigama za 2021. godinu iskazuje obaveze prema Gradu Tuzla u iznosu od 345,72 KM

-S obzirom da politička stranka nije evidentirala sve troškove, tako ni obaveze prema dobavljačima nisu pravilno iskazane.

d) Bez kvalifikovanja revizijskog mišljenja, skrećemo pažnju na visinu troškova zakupa motornih vozila.

Kao i u ranijim periodima, politička stranka je koristila putnička motorna vozila koja je uzela u zakup od fizičkih lica. U toku 2021. godine troškovi Regionalnog odbora Sarajevo-Goražde po ovom osnovu iznosili su 27.600,00 KM, što čini 29,37 % od ukupnih rashoda stranke.

⁴ Troškovi ugovora o djelu se uobičajeno evidentiraju na kontu 408.

Uvidom u poslovne knjige i dokumentaciju utvrđeno je sljedeće:

-Uvidom u ugovore o zakupu putničkog motornog vozila utvrđeno je da je stranka iznajmila putničko motorno vozilo od Smajić Rasima na period od 01.01.-30.05.2021. godine, uz mjesečnu zakupninu od 1.700,00 KM za period od 01.01.-28.02.2021. godine, te 1.300,00 KM za period od 01.03.-30.05.2021. godine, odnosno ukupno 7.300,00 KM.

-Uvidom u Ugovor o zakupu putničkog motornog vozila utvrđeno je da je stranka iznajmila putničko motorno vozilo od Smajić Enise na period od 01.06.-31.12.2021. godine, uz mjesečnu zakupninu od 800,00 KM, odnosno ukupno 5.600,00 KM.

-Prema podacima iz ugovora o zakupu putničkog motornog vozila stranka je iznajmila putničko motorno vozilo od Pleho Harisa, i to: za period od 01.02.-28.02.2021. godine uz mjesečnu zakupninu od 1.700,00 KM, za period od 01.03.-30.05.2021. godine uz mjesečnu zakupninu u iznosu od 1.300,00 KM, te za period od 01.06.-31.12.2021. godine uz mjesečnu zakupninu u iznosu od 800,00 KM, odnosno ukupno 14.700,00 KM.

5.2 PREPORUKE

Preporučuje se političkoj stranci BOSS-Bosanska stranka-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa programom utroška i statutom,*
- *da prijavljuje sve priloge,*
- *da se ne finansira iz zabranjenih izvora,*
- *da vodi poslovne knjige u skladu sa računovodstvenim propisima, odnosno da vodi pravilne i pravovremene evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine podnosi na način i u formi koju je Centralna izborna komisija BiH propisala Pravilnikom o godišnjim finansijskim izvještajima političkih stranaka, te*
- *da racionalnije troši finansijska sredstva stranke koja isključivo ostvaruje iz budžeta.*

KOMENTAR:

U ostavljenom roku, BOSS-Bosanska stranka-Mirnes Ajanović nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2021. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić